

आकाशवाणी

खबरां

- प्रधानमंत्री नरेंद्र मोदी होरें केरल दे एरनाकुलम च 11 ज्हार करोड़ रपे दे केई विकास प्रोजेक्टें दी शुरूआत कीती।
- लोकसभा नै स्पीकर ओम बिरला गी हटाने दे प्रस्ताव पर फही चर्चा शुरू, ग्रामीण विकास मंत्रालय दे कम्मकाज पर बी राज्यसा च परतियै चर्चा होई।
- इक पैहल च सुप्रीम कोर्ट नै 12एं बरें थमां मते समें तगर कोमा च रौहने आहले इक माहनू गी अखीर दौर दी बमारी दे चलदे कृत्रिम जीवन सहायता वापस लैने दी मंजूरी दिती।
- छत्तीसगढ़ मंत्रिमंडल नै धर्म परिवर्तन पर रोक लाने लेई धर्म आजादी बिल-2026 गी मंजूरी दिती।
- छत्तीसगढ़ दे 6 जिलें च 108 नक्सलियं आत्मसमर्पण कीता ऐ।
- अमरीका दे राष्ट्रपति डोनल्ड ट्रम्प होरें भारत दे रिलायंस इंडस्ट्रीज दे निवेश कन्नै 50एं बरें च पैहली बारी तेल रिफाइनरी दी घोषणा कीती।
- ते तीरंदाजी च भारत 22 बरें च पैहली बारी दिल्ली च एशिया कप 2027 दी मेजबानी करग।

<><><><><><>

PM-Ernakulam

प्रधानमंत्री नरेंद्र मोदी होरें अज्ज केरल दे एरनाकुलम च तकरीबन 11 ज्हार करोड़ रुपें दी मती सारी विकास परियोजनाएं दी शुरूआत कीती। मोदी होरें भारत पेट्रोलियम कार्पोरेशन लिमिटेड दी कोच्ची रिफाइनरी च पॉली प्रो पाइलीन इकाइ, लेई नीहू रक्खेआ। इस प्रोजेक्ट पर 5500 करोड़ रपे शा मता निवेश ऐ। इस पाली प्रो पाइलीन दी क्षमता 400 किलो टन हर बरे ऐ। पाली प्रो पाइलीन दा इस्तेमाल पैकेजिंग मोटर गड्डियं सरबंधी घटक चिकित्सा उपकरणें च इस्तेमाल होने आली सामग्री ते घरेलू उत्पादें च हुंदा ऐ। सड़क बुनियादी ढांचे दे क्षेत्र च प्रधानमंत्री नरेंद्र मोदी होरें 2 बड्डे हाइवे प्रोजेक्टें दा उद्घाटन कीता। पैहले एन.एच-66 दे थलापाडी चेंगला हिस्सा, 6 लैनी ऐ जेडा 2 ज्हार

650 करोड़ रपे शा मती लागत कन्नै बनाया गेआ ऐ। एह हिस्सा मुम्बई कन्याकुमारी आर्थिक गलियारे दा हिस्सा ऐ ते कासरगोड ते कन्नूर जिले ते मंगलौर ते मुझा पिलांगड सने गुआंडी इलाकें बश्कार संपर्क गी मजबत करोग। दुआ प्रोजेक्ट बेंगलम थमां रमनटुकारा तगर दी कोझीकोड बाईपास दी 6 लैनी सड़क ऐ जेड़ी तकरीबन 2 ज्हार 140 करोड़ रपें दी लागत कन्नै बनाई गेदी ऐ।

<><><><><><>

### LS-Resolution Om Birla

लोकसभा नै अज्ज स्पीकर ओम बिरला गी हटाने दी मंग दे प्रस्ताव पर परतियै चर्चा शुरू कीती। इस चर्चा दे जोआब च भारती जनता पार्टी दे बड्डे नेता ते गृह मंत्री अमित शाह होरें आखेआ जे एह मंदे भागें आहली गल्ल ऐ जे स्पीकर हुंदी ईमानदारी पर विपक्ष आसेआ सोआल पुट्टे जा रदे न। उनें आखेआ जे तकरीबन 4 दाहकें मगरा लोकसभा दे स्पीकर हुंदे खलाफ अविश्वास प्रस्ताव पेश कीता गेआ ऐ ते एह संसदीय राजनीति ते सदन दौनें लेई इक अफसोसजनक घटना ऐ। उनें इस गल्लै पर जोर भरेआ जे स्पीकर कुसै बी सियासी पार्टी दे बजाय सदन दे न।

<><><><><><>

### R.S Rural Development

राज्यसभा च अज्ज ग्रामीण विकास मंत्रालय दे कम्मकाज पर चर्चा परतियै शुरू होई। चर्चा च हिस्सा लैंदे होई आम आदमी पार्टी दे संजय सिंह होरें सरकार दी नुख्ताचीनी करदे होई आखेआ कि केंद्री बजट दा छड़ा 3 इशारिया 6 प्रतिशत हिस्सा गै ग्रामीण विकास लेई जारी कीता गेआ ऐ। उनें दोष लाया जे जल जीवन मिशन च बड्डे पैमाने पर भ्रष्टाचार ऐ। भारती कम्यूनिस्ट पार्टी दे पी.पी सुनीर होरें आखेआ जे ग्रामीण विकास छड़ाबजट दा विशे नेई ऐ, सगुआं एह राष्ट्र दे समावेशी विकास दी बी रीड़ ऐ। उनें आखेआ जे देश दी दो हिताई कोला मती आबादी ग्रामीण इलाकें च रौहंदी ऐ ते उंदी रोजी-रूट्टी बुनियादी ढांचा ते समाजी सुरक्षा काफी हदें तगर ग्रामीण विकास मंत्रालय आसेआ बनाई गेदिएं नीतिएं ते जारी रकमें पर निर्भर करदी ऐ। बीजेपी दी रेखा शर्मा होरें आखेआ जे सरकार देश दे ग्रामीण इलाकें च रौहने आहली 65 प्रतिशत आबादी दे जीवन स्तरै गी उबडा चुक्की चुकी दी ऐ।

<><><><><><>

### SC Euthanasia Order

अखीरी दौर दी बमारी दे मद्देनजर स्वेष मृत्यु दी अनुमति देने आहले अपने पैहले आर्डर च सुप्रीम कोर्ट नै 12एं बरें शा मते समें थमां कोमा दी हालत च रौहने आले 32एं बरें दे उस माहनू दी कृत्रिम जीवन

सहायता सरिस्ते गी वापस लैने दी अनुमति दितती ऐ। अखीरी दौर दी बमारी दे चलदे इच्छा मृत्यु दी कार्रवाई इक्क मरीज गी जीवन सहायता जां उसी जींदा रखने आस्तै जरूरी ईलाज-मुआलजे गी रोकने जां वापस लैने लेई मरने देने दे इरादें कन्नै कीती जंदा ऐ। गाजियाबाद दे मूल बसनीक हरीश राणा जेडे पंजाब युनिवर्सिटी दे विद्यार्थी हे, 2013 च अपने पेइंग गेस्ट आवास दी चौथी मंजल थमां डिग्गने दे बाद उनेंगी सिरै च सट्ट लगगी ही ते ओहू इक दाहके कोला मते समें थमां कोमा च ना। जस्टिस जे.बी पारदीवाला ते के.वी विश्वनाथन हुंदी बेंच नै एम्स दिल्ली गी निर्देश दित्ता जे ओहू राणा गी प्रशामक दिक्खभाल लेई दाखल करन तां जे चिकित्सा ईलाज वापस लैता जाई सकै।

<><><><><><>

### Chhatisgarh Freedom of Religion Bill

छत्तीसगढ़ सरकार नै धर्म आजादी बिल 2026 दे मसौदे गी मंजूरी देई दित्ती ऐ। एहू फैसला कल संझा रायपुर च मुख्मन्त्री विष्णु देव साई हुंदी अध्यक्षता च कैबिनेट दी बैठक च लैता गेआ। प्रस्तावित कनून दा मकसद राज्य च इक धर्म थमां दुए धर्म च बदलाव करदे होई जोर-जबरदस्ती, लालच, धोखाधडी दे साधनें ते गलत तरीके कन्नै कीते गेदे धर्म परिवर्तन गी असरदार ढंगै कन्नै रोकना ऐ।

<><><><><><>

### Prez. Water Conservation

राश्ट्रपति द्रोपदी मुर्मू होरें अज्ज इस गल्लै पर जोर पाया जे जल संरक्षण हर नागरिक दा फर्ज ऐ। नमीं दिल्ली च जारी जल महोत्सव-2026 दे हिस्से दे तौरा पर इक राश्ट्री कार्यक्रम गी संबोधित करदे होई राश्ट्रपति होरें राश्ट्र गी आखेआ जे ओहू पानी गी इक अनमुल्ले खजाने दे तौर पर पेश करना जेडा औने आली पीढियें लेई सुरक्षित रखेआ जाना लोड्चदा। इक टिकाउ भविक्ख गी सुरक्षित करने लेई राश्ट्रपति मुर्मू होरें हर कुसै गी आखेआ जे ओहू पानी दे संरक्षण गी सिर्फ इक अभ्यास नैई, सगुआं जीवन दा इक तरीका बनाना। राश्ट्रपति होरें आखेआ जे नल जल मित्र कार्यक्रम तैहत स्वयं सहायता समूहें दे ग्रामीण युवाएं ते महिलाएं गी पानी दे आपूर्ति सरिस्ते दे संचालन ते रख-रखाव च सक्रिय भागीदारी बनाने लेई प्रशिक्षित कीता जा'रदा ऐ। जल महोत्सव 2026 8 मार्च थमां देसै च जल अर्पण मनाने कन्नै शुरू होआ हा ते इस म्हीने दी 22 तरीक तगर जारी रौहगा।

<><><><><><>

प्रधानमंत्री नरेंद्र मोदी होंरें देशा च मच्छी फगडने आहले मछेरे समुदाय दी भलाई-बेहतरी गी बढावा देने लेई एनडीए सरकार दे धेइयै गी दोबारा दोहराया ऐ। प्रधानमंत्री होंरें आखेआ जे भारती जनता पार्टी दी अगुवाई आहली एनडीए सरकारै मच्छी फगडने आहले समुदाय दी समर्थ ते समुंद्री अर्थवस्था च उंदी भूमिका गी पंछानेआ ऐ। प्रधानमंत्री होंरें अज्ज कोच्चि च अखिल केरल धीवर सभा दे स्वर्ण जयंती समारोह गी संबोधित करदे होई आखेआ। अखिल केरल धीवर सभा दे कम्में दी होर बी सराहना करदे होई प्रधानमंत्री होंरें आखेआ जे संगठन मच्छी फगडने आहले समुदायें दे अधिकारें दे अधिकारें लेई कम्म करा'रदा ऐ। उनें आखेआ जे संगठन नै जीवन ते रोजगार ते तरक्की ते कुदरत गी संतुलित करने दी इक मिसाल पेश कीती ऐ।

<><><><><><>

### Naxalites-Surrender

गृह मंत्रालय नै जानकारी दित्ती ऐ जे छत्तीसगढ़ दे 6 जिलें च 108 नक्सलियें आत्मस्मर्पण करी दित्ता ऐ। इनें जिले च बीजापुर, दंतेवाड़ा, सुकमा, बस्तर, नारायणपुर ते कांकेर शामिल ना। मंत्रालय नै अगो दस्सेआ जे नक्सलियें उप्पर 3 करोड़ 95 लक्ख रुपें दा ईनाम रक्खेआ गेदा ऐ। एह्दे थमां पैहले केंद्री गृह मंत्री अमित शाह होंरें इस गल्लै गी दोहराया जे भारत इस म्हीने दे अखीर तगर नक्सलवाद थमां मुक्त होई जाहगा।

<><><><><><>

### US-First Oil Refinery

अमरीकी राष्ट्रपति डोनल्ड ट्रम्प होंरें ऐलान कीता ऐ जे अमरीका गी 50एं बरें च पैहली तेल रिफाइनरी थ्होग जेदी फंडिंग रिलायंस इंडस्ट्रीज दे निवेश कन्नै कीती जाहगा। ट्रम्प होंरें आखेआ जे टेक्सास दे पोर्ट ऑफ ब्राउन्सविले च नमीं रिफाइनरी कन्नै अमरीकी बजारें गी तेल दित्ता जाहगा। राष्ट्री सुरक्षा निग्गर होग। अमरीकी उर्जा उत्पादन च बाद्दा होग ते ज्हारें लोकें गी रोजगार थ्होग। इसी 300 अरब डालर दा ऐतिहासिक सौद्दा करार दिंदे होई ट्रम्प होंरें सोशल मीडिया पोस्ट च आखेआ ऐजे एहू अमरीका दे इतिहास च सारे शा बड्डी गल्ल ऐ ते अमरीकी मजूरें उर्जा ते दक्खण टेक्सास दे लोकें लेई इक बड्डी जित्त ऐ। रिलायंस इंडस्ट्रीज आसेआ इस सौद्दे बारै अजें तगर कोई अधिकारिक घोशणा नेई होई ऐ।

<><><><><><>

## MoS Ext. Affair

विदेश मामलें दे राज्यमंत्री कीर्ति बर्धन सिंह होरें चिल्ली दे राष्ट्रपति ओहदे दे उद्घाटन समारोह शा पैहले चिली दे चुने गेदे राष्ट्रपति जोस एंटोनियो कास्ट रिस्ट हुंदे नै मलाटी कीती। सोशल मीडिया पोस्ट च मंत्री होरें दस्सेआ जे उनें भारत दी चिली दी नमीं सरकार कन्नै मिलियै निवेश, मते महत्वै आले खनिजें, स्वच्छ उर्जा ते नवाचार च अपने दपक्खिया रिशतें गी होर तगड़ा करने दी प्रतिबद्धता दी परतियै पुष्टि कीती ऐ।

<><><><><><>

## India Madagascar Relief Support

भारत नै मेडागास्कर च जारी राहत जत्तें गी समर्थन देने लेई मनुक्खी सहायता भेजी ऐ। सोशल मीडिया पोस्ट च विदेश मंत्रालय दे प्रवक्ता रणधीर जायसवाल होरें दस्सेआ जे 12 टन आपदा राहत सामग्री लेइयै भारती वायु सेना दा इक सी-17 विमान अंतरा नारिवो च उतरी गेआ ऐ।

<><><><><><>

## CM-Resident Commission

मुख्यमंत्री उमर अब्दुल्ला होरें अज्ज इक उच्चि सतह दी बैठक दरान नमीं दिल्ली आले रेजीडेंट कमिशन दे कम्मकाज दा जायजा लैता। उनें महत्वपूर्ण विकास प्रोजेक्टें च हासल प्रगति ते बक्ख-बक्ख राज्यें च तोढ चाढे जा'रदे जम्मू-कश्मीर कन्नै सरबंधत कम्में दा बी आंकलन कीता। दक्षता ते जोआबदेही पर चेचा जोर दिंदे होई मुख्यमंत्री होरें अधिकारिएं गी आखेआ जे ओह सभनें परियोजनाएं गी बेल्ले सिर सबूरा करोआना जकीनी बनाना। उनें सरबंधत विभागें कन्नै तालमेल तगड़ा बनाने ते प्रदेश थमां बाह् रवा करदे बसनीके लेई सेवाएं दी बेहतरिन दस्तयाबी जकीनी बनाने दी जरूरतै पर जोर पाया। अधिकारिएं उनेंगी मजूदा पैहलकदमिएं, चुनौतिएं ते समुदाय लेई मदाद आली सुविधाएं च बादे आस्तै पुट्टी गेदी गैह् बारै जानकारी दिती।

<><><><><><>

## Archery Camp

भारत 22एं बरें च पैहली शीर्ष अंतरराश्ट्री तीरंदाजी प्रतियोगिता दी मेजबानी करने आहला ऐ ते दिल्ली गी 2027 च एशिया कप दे दुए दौर दे आयोजन दा मौका दिता गेआ ऐ। देश नै पिछली बारी 2005 च दिल्ली च एशियाई तीरंदाजी चैंपियनशिप दा आयोजन कीता हा।

<><><><><><>

## Hockey

एफ.आई.एच महिला हॉकी विश्व कप 2026 क्वालीफायर च भारत अज्ज संझा हैदराबाद च अपने अंतिम पूल बी मैच च वेल्स कन्नै मुकाबला खेडगा। एहू मैच संझा साड्डे 7 बजे शुरू होने आहला ऐ।

<><><><><><>